

անդուծ մահը նրան անժամանակ գերեզման չգլորէր:

Չմոռանամ ասել, որ «Թշուառների» մէջ դուրս է բերուած «աղքատիկ խրճիթ», «հողէ կանթեղ», «ցուրտ սենեակ», «անկրակ վառարան», իսկ սա հէնց Դուրեանի բնակարանի հարազատ պատկերն է: Մեծ նմանութիւն կայ եւ զաղափարական էջուարդի ու Դուրեանի միջեւ: Դրանք երկուսն էլ անբախտ սիրոյ, թըշուառութեան եւ կեանքի պայմանների ճախորդ դասաւորութեան հէք զոհերն են...

VI

ԲԱՆԱՍՏԵՂՇՈՒԹԻՒՆՆԵՐԸ

Պետրոս Դուրեանի փառքն ու պսակը կազմում են ի հարկէ նրա բանաստեղծութիւնները: Դրանք ընդամենը 36 հատ են: Սակայն, քանակով այդքան քիչ լինելով հանդերձ՝ նրանք շատ բարձր են որակով: Չլինէին Դուրեանի նամակները եւ թատերգութիւնները, վստահօրէն կարող եմ յայտարարել, որ հայ գրականութիւնը մի առանձին կորուստ չէր ունենայ. իսկ եթէ չլինէին Դուրեանի անդուգական տաղերը՝ մեր գրականութեան մէջ մի խոշոր բաց կը մնար...

Նրա վշտալի տրտունջներն ու հեծեծանքները ցայտում են երբեմն ինչպէս շատրուանի շիթեր, երբեմն էլ բողոքի կերպարանք են ըստանում եւ դառնում շանթ ու կայծակ... Դուրեանի բոլոր գրուածքները՝ նամակները, թատերգութիւնները եւ մանաւանդ բանաստեղծութիւնները նրա ապրած ողբերգութեան արտայայտութիւններն են: Բանաստեղծ Դուրեանը տեսնում է, ապա իր վառ տենչերն ու ցընորքները դարձնում է սէր եւ խնկարկում: Այդ զաղափարական սէրը մերժում է, այնուհետեւ նա ապրում է երանաւէտ սիրոյ դառն յիշողութեամբ, յուսախաբուում է, գերեզմանային յուսահատութեամբ համակուում, մերթ ըմբոստանում է կատաղի թափով իրեն վիճակուած սեւ ճակատադրի դէմ, ապա մեղանչում է, գղջում, հանդարտւում եւ համակերպւում մահուան հետ...

Մինչդեռ Պելիկթաշեանը, նոյնպէս կեանքից վիրաւորուած, միայն համակերպւում է եւ երգում իր ցաւը, Դուրեանը եւլ երգում է, եւլ հեծեծում, եւլ դանդաղում ու մոնչում թէ՛ անարդար կեանքի եւ թէ՛ Աստուծոյ դէմ: Այդ

խիղախութիւնը չունի մեր բանաստեղծներից եւ ո՛չ մէկը:

Դուրեանը ենթակայական երգիչ է, ում մանտիկ զարոյցին պատկանող, արտայայտելու եղանակն էլ ումանտիկ է: Սակայն, իրական են նրա երգած ցաւերն եւ յատուկ ո՛չ թէ միայն իրեն Դուրեանին, այլ առհասարակ բոլոր սիրող եւ տանջուող անհատներին: Ուրեմն Դուրեանի անհատական ապրումները միաժամանակ եւ ընկերային ապրումներ են, արտայայտուած գեղարուեստական զարմանալի ճշկունութեամբ: Եւ չմոռանանք ասելու, որ իր տաղանդի դրոշմը կրող բանաստեղծութիւնները նա արտագրել է միայն մի տարում, այսինքն՝ 1871 թուին:

Այդ թուին է գրել նա իր գեղարուեստական գործերը՝ «Սիրել», «Լճակ», «Թրքուհին», «Ներա հետ», «Դրժել», «Ձնէ պաշտում», «Սեւ», «Սեւ», «Հծծիւնք», «Իմ մահը», «Մնաս բարեալ», «Ի՞նչ կ'ըսեն», «Իմ ցաւը», «Հայուհին» եւ վերջապէս իր գլուխ գործոց «Տըրտունջը»:

Փորձենք վերլուծման ենթարկել Դուրեանի ապրումները:

Նրա ստեղծագործութեան կորիզն է կազմում սէրը: Նա իտէալականացրել է կին արարածին, կնոջ սէրը եւ աշխարհիս բոլոր գեղեցկութիւնները նրանով է չափում:

Դուրեանը մինչեւ անգամ կնոջ համար հայոց լեզուով յատկապէս մէ անձնական գերանունն է գործածում, չուղելով չիփթել արականի հետ:

վարդը գարնայնի
Թէ կուսին տիպար
Այտերուն չըլլար՝
Ո՞վ յարգէր գանի:
Թէ չը նմանէր
Կապոյտն եթերաց
Կուսին աչերաց՝
Երկինք ո՞վ մայեր:
Թէ կոյսը չըլլար
Սիրուն ու ամբիծ,
ԶԱստուածն այն երկնից
Մարդ ո՞ւր կը կարգար:

Այսպիսով ըստ Դուրեանի, վարդը, եթերը, երկինքն ու Աստուած որոշ արժէք են ըս-